

中國文學精華

注 音

韓 昌 黎 孟 東 野 詩

沈 歸 愚 選 本

注音
韓昌黎詩

揭要

昌黎生李杜崛起之後，戛戛獨造，盤空硬語，別開境界，雖縱橫變化，不逮李杜，且亦時有使才好盡之病，而規模闊大，堂廡奧深，四言尤足繼踪雅頌，洵推豪傑之士。

小傳

韓愈字退之，昌黎人。生三歲而孤，嫂鄭鞠之。比長，盡通六經百家學，擢進士第。張建封辟爲府推官，調四門博士，遷監察御史，上疏極論宮市，貶陽山令。元和
中復爲博士，累進中書舍人，憲宗迎佛骨入禁中，愈上表極諫，貶潮州刺史，改袁
州，召拜國子祭酒，轉兵部侍郎。鎮州亂，詔愈宣撫之，歸轉吏部侍郎，長慶中卒，贈

音注韓昌黎詩

禮部尙書，諡曰文。

注音
韓昌黎詩

目次

五古

元和聖德詩……………一

秋懷詩二首……………八

齷齪……………九

縣齋讀書……………一〇

送石處士赴河陽幕……………一一

送李正字歸湖南……………一二

瀧吏……………一二

岳陽樓別竇司直……………一四

薦士……………一八

騫驥……………二一

調張籍……………二二

七古

汴州亂二首……………二四

山石……………二五

雉帶箭……………二六

汴泗交流贈張僕射……………二七

贈唐衢……………二八

八月十五夜贈張功曹·····	二八	柳州羅池廟·····	四六
謁衡嶽廟遂宿嶽寺題門樓·····	三〇	拘幽操·····	四七
嗟哉董生行·····	三一	越裳操·····	四七
寒食日出遊·····	三三	將歸操·····	四八
鄭羣贈簞·····	三五	猗蘭操·····	四八
贈崔立之評事·····	三六	五律	
酬司門盧四兄雲夫院長望秋 作·····	三八	祖席·····	四九
和虞部盧四 _汀 酬翰林錢七 _微 赤 杖藤歌·····	四〇	送桂州嚴大夫·····	五〇
石鼓歌·····	四一	奉和兵部張侍郎酬鄆州馬尙書 被召途中見寄開緘之日馬帥 已再領鄆州之作·····	五一
華山女·····	四四	七律	

奉和庫部盧四兄曹長元日朝

迴……………五一

晉公破賊回重拜台司以詩示幕

中賓客愈奉和……………五二

左遷至藍關示姪孫湘……………五三

酒中留上襄陽李相公……………五四

五排

送鄭尚書赴南海……………五四

學諸進士作精衛銜石填海……………五五

五絕

奉和虢州劉給事使君三堂新題

二十一詠

目次

渚亭……………五六

北樓……………五六

西山……………五七

把酒……………五七

七絕

次潼關先寄張十二閣老……………五七

盆池二首……………五八

春雪……………五八

晚春……………五九

和歸工部送僧……………五九

晚春……………五九

注音

韓昌黎詩

沈歸愚先生選本

五古

元和聖德詩

並序 唐宣宗憲宗紀：帝，順宗長子，永貞元年八月，詔立爲皇帝，乙巳即位。癸丑，劍南西川行軍司馬劉闢，

自稱留後，十一月壬申，反。綏銀節度留後楊惠琳反，元和元年三月辛巳，闢伏誅，二年正月己丑，朝獻于太清宮，庚寅，朝享于太廟，辛卯，有事于南郊，大赦。

臣愈頓首再拜言：臣伏見皇帝陛下即位以來，誅流姦臣，朝廷清明，無有

欺蔽；外斬楊惠琳，劉闢以收夏蜀，東定青徐，積年之叛，海內怖普故切。駭，侯楷切。不

敢違越，郊天告廟，神靈歡喜，風雨晦明，無不從順，太平之期，適當今日。臣蒙被

恩澤，日與羣臣序立紫宸殿下，親望穆穆之光，而其職業，又在以經籍教導國

子；誠宜率先作歌詩以稱道盛德，不可以詞語淺薄，不足以自效爲解。輒依古

作四言元和聖德詩一篇，凡千有二十四字，指事實錄，具載明天子文武神聖，

以警動百姓耳目，傳示無極。其詩曰：

五古

一

N1G

I222.742.3

3



3 2173 4747 9

皇帝卽阼，物無違拒；曰暘

音陽。

而暘，曰雨而雨。維是元年，有盜在夏；欲覆其

州，以踵近武。皇帝曰嘻！豈不在我？負鄙爲姦，縱則不可。出師征之，其衆十旅。軍其

城下，告以福禍。腹敗枝披，不敢保聚。擲

直獲切。

首陴

音脾。

外，降

戶江切。

幡夜豎。

巨庚切。

疆

外之險，莫過蜀土。章皋去鎮，劉闢守後。血入于牙，不肯吐口。開庫陷

徒濫切。

士，曰隨

所取。汝張汝弓，汝伐汝鼓；汝爲表書，求我帥汝。事始上聞，在列咸怒。皇帝曰然，嗟

遠士女。苟附而安，則且付與。讀命於庭，出節少府。朝發京師，夕至其部。關喜謂黨，

汝振而伍。蜀可全有，此不當受。萬牛鬻

力轉切。

彘，

之夜切。

萬甕行酒。以錦纏股，以紅帕

莫目切。首。有恇

音匡。

其兇，有餌其誘。其出穰

如羊切。

穰，隊以萬數。

所矩切。

遂劫東川，遂據

城阻。皇帝曰嗟！其又可許？爰命崇文，分卒禁鑰。有安其驅，無暴我野。日行三十，徐

壁其右。關黨聚謀，鹿頭是守。崇文奉詔，進退規矩。戰不貪殺，擒不濫數。四方節度，

整兵頓馬。上章乞討，俟命起坐。皇帝曰嘻！無汝煩苦。荆并洎

巨至切。

梁，在國門戶。出

師三千，各選爾醜。四軍齊作，殷其如阜。或拔其角，或脫其距。長驅洋洋，無有齟

壯

所切。音語。

八月壬午，關棄城走，載妻與妾，包裹稚乳。是日崇文入處其宇，分散逐捕，搜

原剔。他歷切。藪。音見。關窮見窘。互隕切。無地自處，俯視大江，不見洲渚。遂自顛倒，若杵

投臼。取之江中，枷脰。音豆。械手。婦女纍纍，啼哭拜叩。來獻闕下，以告廟社。周示城

市，咸使觀覩。解脫攀力。全切。索夾以砧。思廉切。斧婉婉弱子，赤立傴。於武切。僂。音繼。牽頭

曳足，先斷腰脅。音旅。次及其徒，體骸戶皆切。撐。抽庚切。拄。豕庚切。末乃取關，駭汗如寫。同

鴻。揮刀紛紜，爭刊。趨本切。膾。古外切。脯。音甫。優賞將吏，扶珪綴。陟衛切。組。音祖。帛堆其家，

粟塞其庾，哀憐陣沒，廩給孤寡。贈官封墓，周帀。子答切。宏溥。經戰伐地，寬免租簿。施

令酬功，急疾如火；天地中閒，莫不順序。幽恆青魏，東盡海浦。南至徐蔡，區外雜虜。

怛。當割切。威赧。奴販切。德。音德。蹀。音積。蹈舞。掉棄兵革，私習簞。音得。簞。音甫。來請來

覲，十百其耦。皇帝曰吁！伯父叔舅，各安爾位，訓厥毗。武庚切。晦。同畝。

正月元日，初見宗祖，躬執百禮，登降拜俯。薦于新宮，視瞻梁杞。音呂。戚見容

色，淚落入俎。侍祠之臣，助我惻楚。乃以上辛，於郊用牡。除於國南，鱗筍音尹切。毛簾。

音互。廬幕周施，開揭音疊。礪音可切。獸盾音允切。騰挐女加切。圓壇帖妥。天兵四羅，旂

常烏可切。娜奴可切。駕龍十二，魚魚雅雅。宵昇于丘，奠璧獻罍古雅切。衆樂驚作，轟呼

宏切。厖音灰。融冶。紫焰嘘呵，高靈下墮。羣星從去聲。坐，錯落侈哆丁可切，又昌者切。日君

月妃，煥赫嫫烏古切。姬詭上聲。瀆鬼濛濛莫孔切。鴻胡孔切。嶽祇音染。峩音我。飫依據切。羶燎

薌音鄉。產祥降嘏叶音古。鳳凰應奏，舒翼自拊。赤麟黃龍，透於爲切。陀結糾居陽切。卿士

庶人，黃童白叟。踴躍歡呀虛加切。失喜噎一結切。歐烏后切。乾清坤夷，境落褰音憲。舉。帝

車迴來，日正當午。幸丹鳳門，大赦天下。滌音狄。濯剗楚簡切。礪初兩切，又此兩切。磨滅瑕垢，

續功臣嗣，拔賢任耆音苟。孩養無告，仁滂音郎切。施厚。皇帝神聖，通達今古。聽聰視

明，一似堯禹。生知法式，動得理所。

天錫皇帝，爲天下主。并包蓄養，無異細鉅。億載萬年，敢有違者。皇帝儉勤，監

音貢。濯陶瓦。斥遣浮華，好此締音題。紵文呂切。敕戒四方，侈則有咎。天錫皇帝，多麥

與黍。無召水旱，耗于雀鼠。億載萬年，有富無窶。郡羽切。皇帝正直，別白善否。擅命而狂，既翦既去。盡逐羣姦，靡有遺侶。天錫皇帝，旌臣碩輔。博問遐觀，以置左右。億載萬年，無敢予侮。皇帝大孝，慈祥悌友。怡怡愉愉，奉太皇后。浹子協切。于族親，濡音儒。及九有。天錫皇帝，與天齊壽。登茲太平，無怠永久。億載萬年，爲父爲母。博士臣愈，職是訓詁，作爲歌詩，以配吉甫。

典重隋吳，體則二雅三頌，辭則古賦秦碑，盛唐中昌黎獨擅。原注。

【元和】憲宗年號。【誅流姦臣】從內說起也。舊唐書：憲宗即位，貶王伾爲開州司馬，王叔文爲澹州司戶，又貶韓泰等爲諸州

刺史，韋執誼爲崖州司戶。【楊惠琳】憲宗即位，詔令夏綬銀節度使韓全義致仕，以李演代之，全義甥楊惠琳拒命。元和元年三

月，詔令河東天德等軍，合還惠琳。辛巳，夏州兵馬使張承金斬惠琳以降，此收復也。【劉闢】元和元年正月，西川節度使劉闢反，命

高崇文討闢，九月，克成都，擒劉闢，送京師斬之，此收蜀也。【青】元和元年閏六月，平盧節度使李師古卒，弟師道總軍務，遣使奉表

詣京師，八月，詔以師道爲平盧留後，此定青也。【徐】德宗時徐帥張建封卒，子愔自爲留後。元和元年，愔有疾，上表請代，十一月，召

愔爲工部尚書，此定徐也。【怖駭】惶懼也。【郊天告廟】見上題注。【風雨晦明】左昭：天有六氣，陰陽風雨晦明。【紫

宸殿】唐六典：紫宸殿，卽內朝正殿也。【穆穆】威儀多貌。證：天子穆穆。【國子】元和元年六月，退之自江陵召入爲國子

博士。【阼】天子位。史記漢文帝紀：皇帝卽阼。【日暘日雨】暘，日出也。倚書洪範：八庶徵，曰雨曰暘。【夏】今甘肅寧夏一帶，唐

屬閩內道事見上。【踵近武】踵繼也。武迹也。謂惠琳欲繼李希烈等故跡而反也。【嘻】噫嘻歎辭。【負鄙】謂負恃邊鄙也。【縱】放也。【十旅】五百人爲旅，十旅，五千人，見以頤討逆，兵不在多之意。【披】分散也。【陴】城上女牆也。【降幡】降伏也。幡幟也。謂張承金斬惠琳而降也。【暨】立也。【韋皋二句】永貞元年八月，西川節度使韋皋卒，副使劉闢自爲留後。【血人二句】舊唐書：闢嘗病，見諸問疾者來，皆以手據地倒行，入闕口，闢因礎裂食之。【昭】以利餌人也。史記：往說秦將，昭以利。【士】士卒。【日隨所取】乃述其誘士卒之辭。【伐鼓】伐，擊也。詩：伐鼓淵淵。【求我句】闢欲爲留後，謁諸將爲之代求。【出節】唐百官志：符寶郎，凡命將遣使，皆賜旌節，旌以專賞，節以專殺。【少府】唐百官志：少府監，掌供百官儀物。【朝發二句】憲宗初即位，力未能討闢，因以闢爲西川節度副使，知節度事。【關喜四句】闢既得旌節，志益驕，求蔡三川，憲宗不與。【櫜】切也。【炙】與炙同。廣韻引周書：始燔肉爲炙。【甕】瓶也。【紅帕首】朝，額首飾也。實錄：禹會塗山之夕，大風雷震，有甲步卒千餘人，其不被甲者，以紅帕抹其額，自此遂爲軍服。【有恆二句】恆，怯也，言有畏其暴者，有貪其利者，故從之者衆，非本心也。【穰穰】衆也。詩：降福穰穰。【數】計也。【劫東川】憲宗不許闢三川，元和元年正月，闢遂發兵圍東川，節度使李康於梓州，因陷梓州，降李康。【崇文】元和元年正月，命神策軍使高崇文，將步騎五千爲前軍，李元弼爲次軍，同討闢，三月，克梓州。【禁鑊】禁苑也，神策禁於天子，故云禁鑊。【日行句】漢書：賈捐之傳：吉行五十里，師行三十里。【壁】築土石爲壘。【鹿頭】六月，闢城鹿頭關，連入柵，屯兵萬餘人，以拒崇文，崇文鑿破之，并下陝關城，八戰皆捷。【擒不濫數】左傳：襄二十五年：數俘而出，濫殺二字，本此。【荆并泊梁】荆謂荆南，節度使裴均，并謂河東，節度使嚴綬，梁謂山南西道，節度使嚴礪，洎及也。【醜】類也。【四軍】謂荆并梁及崇文之師也。【殷】盛貌。揚雄羽獵賦：殷殷軫軫。按一本作殷殷。【如阜】土山曰阜。詩：如岡如阜。【距】雞爪也。左昭：師氏爲之金距。【齟齬】說文：齟，齒不相值曰齟齬。【取之江中】崇文克成都，闢西奔吐蕃，高

以當道及于羊灌田，開赴江不死，擒之。【枷脰句】脰，項也。舊唐書：開至京西臨皋驛，左右神策兵士迎之，以帛繫首及手足曳而入，乃脅曰：何至於此。【累累】連綴也，又索也。禮樂記：累累乎端如貫珠。【來獻闕下四句】劉開既擒，檻車送京師，獻廟社，御於市。【擥】係也。【砧斧】砧當作枯，與樵同。戰國策：范雎曰：臣之胸不足以當樵質，要不足以待斧鉞。【婉婉十句】寫來微凝殘刻，聲子由顛不爲然。然當時作此，蓋欲使藩鎮聞之，畏罪懼禍，不敢叛耳。接婉婉，柔順也。但儀、曲躬貌。捧，表柱也。拄，從旁指也。刊，切也。唐書：開斬於城西南獨柳樹下，子超郎等九人，與部將崔綱以次誅。【珪】瑞玉也，古以封諸侯。【組】綬類，所以結受印環也。【庾】積穀之所。史記注：在邑曰倉，在野曰庾。【周市】徧也。【經戰伐地四句】是歲十月，滅劍南東西川山南西道今歲賦，釋脅從將吏，葬陣亡者，廩其家五歲，二年正月，賜文武官勳爵。【幽恆青魏】幽謂幽州盧龍節度，恆謂成德軍節度，青謂淄青平盧節度，魏謂魏博節度。【徐蔡】徐謂武寧軍節度，蔡謂彰義軍節度。【區外句】按其時各鎮節度：魏則田季安，幽則劉濟，恆則王士真，青則李師道，徐則張愔，蔡則吳少誠，皆一時藩鎮之所在。【恆威赧德】恆，驚也。赧，面慚赤色也。退之上尊號表，有恆威愧德，意與此同。【跋踣】恭敬貌。論語：君在，跋踣如也。【掉】擲也。【簠簋】宗廟盛黍稷之器也。論語集注：周曰簠簋。【請】如諸侯奉朝請是。【覲】下見上也。【耦】謂朋類也。【伯父叔舅】謂當時藩鎮諸帥也。禮曲禮：天子之吏，同姓謂之伯父，九州之牧，異姓謂之叔舅。【忙】田民也。【新宮】順宗室也。【栢】櫟也。【上辛】自正月至三月爲郊之時，卜用上辛日者，謂人君當齋戒自新耳。【牡】牛也。【除於句】除，治也。周禮：祭天於圓丘，在國之南。【鑿筍毛簋】筍簋，以垂鐘磬之具，橫曰筍，飾以鱗屬，植曰簋，飾以龜屬。見周禮注。【磊砢】石縱橫貌。【獸盾】盾，干也。用以蔽身而畫獸形，卽古時龍盾之意。【挈】牽引也。【圓壇】卽圓丘，蓋圓丘象天也。【天兵】漢書楊雄長楊賦：天兵四臨。注：稱天者，重其

成也。【旂常】周禮：交龍爲旂，日月爲常。【婀娜】美貌。曹植洛神賦：華容婀娜。【駕龍句】周禮：馬八尺以上爲龍，天子之駕，馬十有二閑。【魚魚雅雅】晉書劉懷德：洛中雅雅有三峴，魚魚未詳，大約狀車駕安和之意。【丘】園丘也。【奠】薦也。【畢】玉爵。【蕝】羣車。【厖】相擊也。【融冶】樂聲。【嘘呵】火氣。【高靈】天神之有靈者。【錯落】縱橫分布貌。【侈侈】侈大貌，侈者，因物而大之名。詩：侈令侈令，成是南箕。【日君月妃】證王制：君之與后，猶日之與月。漢書：日者，人君之表也。唐楊炯渾天儀賦：月也者，后妃之事。【煥赫】光明也，謂日君。【嫫媿】弱好貌，謂月妃。【潰鬼】四潰之神。【蒙鴻】廣大貌。淮南子：蒙鴻頽洞。【嶽祇】四嶽之神。【嶽峩】山高貌。後漢書：增榮義表。【飮鹽燎薌】飮，鑿也。羝，羊臬。燎，焚也。羝，羝氣。證郊特牲：既奠，然後燔蕭合羝羝。【蝦】福也。【鳳凰二句】拊，擊也。帝王世紀：帝舜擊磬，鳳凰舒翼而舞。【赤鱗黃龍】皆祥瑞也。【逶陀結紉】邪下嬌結之象。【呀】張口貌。【噎歐】噎，食塞也。歐，吐也。【夷】平也。【境落褻舉】落，居也。褻通舉，拔取也，言境內所居，皆拔取而統一也。【幸丹鳳門二句】南郊禮畢，幸丹鳳門，大赦天下。【剗礪】剗，削也。礪，瓦石洗物。【耆】老成舊德之人。【滂】沛也。【無異】異，別異也。【鹽濯句】鹽濯以陶瓦之器，儉也。【綈紵】綈，厚縵。紵，布也。【簠】貧也。【厖臣句】厖，大也。碩，大也。此指杜黃裳等。【太皇后】憲宗母，昭憲皇太后王氏。【九有】九州。【爲父句】書：元后作民父母。【訓詁】爾雅有釋詁釋訓，釋詁者，釋今古之異辭，釋訓者，辨物之形貌。【吉甫】毛詩序云：嵩高，烝民，韓奕，江漢，皆尹吉甫美周宣王也。詩：吉甫作頌，穆如清風。

秋懷詩十首錄二

離離挂空悲，感感抱虛警。露泫秋樹高，蟲弔寒夜永。斂退就新儒，趨營悼前猛。歸愚識夷塗，汲古得修綆。音梗。名浮猶有恥，味薄真自幸。庶幾遺悔尤，卽此是幽屏。必郭切。

此卽今是昨非之意，連下章，頗近謝公原注。

【修綆】修，長也。綆，索也。荀子：短綆不可以汲深井之泉。【名浮】浮，過也。謂名過其實也。【幽屏】隱僻之處。

今晨不成起，端坐盡日景。同影。蟲鳴室幽幽，月吐窗罔罔。音罔，此讀上聲。罔。喪懷若

迷方，浮念劇含梗。塵埃音哀。慵伺候，文字浪馳騁。尙須勉其頑，王事有朝請。

前漢書：吳王濞使人爲秋請。春日朝，秋日請。原注。

【日景】周禮：以土圭之法，測土深，正日景。【罔罔】秋月明貌。孫綽詩：罔罔秋月明。【迷方】迷所方向也。列子：秦氏達氏子有

迷罔之疾，天地四方寒暑，無不顛倒者。【浮念句】戰國策：蘇代曰：今子東園之桃梗也，隨水至，流子而去，則子漂漂者，將何如耳？

【慵】疏懶也。

齷齪

齷訓角切。齷當世士，所憂在飢寒。但見賤者悲，不聞貴者歎。音難。大賢事業異，

遠抱非俗觀。報國心皎潔，念時涕洟。音九。瀾妖姬坐左右，柔指發哀彈。酒肴雖日

陳，感激寧爲歡。秋陰欺白日，泥潦不少乾。河堤決東郡，老弱隨驚湍。他官切。天意固

有屬，誰能詰其端。願辱太守薦，充得諫諍官。排雲叫闔闔，披腹呈琅玕。音郎。

致君豈無術？自進誠獨難。

時張建封居公于符離沮上，及秋將辭去，建封奏爲節度推官，此猶未薦時詩，故有望于太守之薦也。原注。

【齷齷】迫也。史記貨殖傳：其民齷齷。【大賢事業八句】美太守也。【洟瀾】泣貌。馮衍顯志賦：淚洟瀾而雨集。【哀

彈】潘安仁笙賦：輟張女之哀彈。【秋陰二句】杜甫秋雨歎：秋來未曾見白日，泥汗后土何時乾？【河堤句】貞元十五年，鄭

滑大水，接唐滑州，治白馬縣，漢時屬東郡。【湍】急流水也。【願從太守薦】太守，卽徐州刺史張建封也。退之於貞元十五年

春，抵徐州，至秋，建封奏爲節度推官，是時尙未奏辟，故有望太守之薦也。【闔闔】天門也。司馬相如大人賦：排闔闔而入帝宮。

【琅玕】美玉，此喻己之學問經濟。

縣齋讀書退之於貞元二十年，到連州陽山縣任，因作是詩。

出宰山水縣，讀書松桂林。蕭條捐末事，邂逅得初心。音枯。醒俗耳，清泉
潔塵襟。詩成有共賦，酒熟無孤斟。青竹時默釣，白雲日幽尋。南方本多毒，北客恆
懼侵。謫譴甘自守，滯留媿難任。投章類稿音杲。帶，佇答逾兼金。

應是令陽山時作，末二句似答贈詩之客。原注。

【山水縣】謂陽山縣也。【讀書】陽山縣志：賢令山在縣北二里，昔韓愈爲令日，讀書於此。【猱】黑猿也。【釣】陽山縣志：

釣魚臺在縣東半里塔溪右。韓愈送區冊序云：與之翳嘉林，坐石磯，投竿而漁，陶然以樂。宋嘉定初，簿尉邱熹始作臺磯上。【稿帶】

左：吳季札聘於鄭，見子產，與之綈帶，子產獻紵衣焉。【兼金】趙岐孟子注：兼金，其價兼倍於常者。陸士衡詩：愧無雜佩贈，良凱代

兼金。

送石處士赴河陽幕

處士名洪，字潛川，時河陽節度烏重胤以幣走盧下，爲佐河陽軍。

長把種樹書，人云避世士。忽騎將軍馬，自號報恩子。風雲入壯懷，泉石別幽
耳。鉅鹿師欲老，常山險猶恃。豈惟彼相憂，固是吾徒恥。去去事方急，酒行可以起。

卽序中所云不告於妻子，不謀於朋友也，中帶諷意，合看寄盧全詩愈見原注。

【種樹書】史記秦始皇紀：所不去者，蠶桑、卜筮、種樹之書。【忽騎四句】含有諷意。【鉅鹿師二句】唐書地理志：邢州鉅鹿郡，鎮州常山郡，大都督府，俱屬河北道。舊唐書：元和四年，王承宗反，詔中人吐突承璀，以兵討之，無功。五年七月，詔洸王承宗，復其官爵。【去去二句】蓋責備石處士也。

送李正字歸湖南

正字名礎，自湖南從事請告，來省其父，是詩在東都作。

長沙入楚深，洞庭值秋晚。人隨鴻雁少，江共蒹葭遠。
歷歷余所經，悠悠子當返。孤遊懷耿介，旅宿夢婉婉。
音晚。風土稍殊音，魚蝦日異飯。親交俱在此，誰與同息偃？

【長沙】治今湖南長沙縣。

【洞庭】湖名，在湖南岳陽縣西南。

【人隨二句】極寫江湖之景。

【蒹葭】蘆也。詩：蒹葭蒼蒼。

【歷歷句】退之曾經洞庭。

【耿介】韓子耿介之士意。

【婉婉】禮內則：婉婉聽從。鄭氏曰：婉，謂言語也，婉之言媚也，謂容貌也。

【風土二句】言漸近湖南也。

【親交二句】方入別意，以前十句，皆預道途中情景。

【息偃】詩：或息偃在牀。

瀧吏

是詩赴潮州途中作。

南行逾六旬，始下樂昌瀧。閩江切，又音變。險惡不可狀，船石相舂。書容切。撞。宅江切。往

問瀧頭吏：潮州尚幾里？行當何時到？土風復何似？瀧吏垂手笑：官何問之愚？譬官

居京邑，何由知東吳？東吳游宦鄉，官知自有由；潮州底處所，有罪乃竄。七亂切。流；儂

奴冬切。幸無負犯，何由到而知？官今行自到，那遽妄問爲？不虞卒。蒼沒切。見困，汗出媿

且駭。吏曰：聊戲官，儂嘗使往罷。嶺南大抵同，官去道苦遼。下此三千里，有州始名

潮。惡溪瘴毒聚，雷電常洶。音陶。洶。鱷。音鄂。魚大於船，牙眼怖。普故切。殺儂。州南數十

里，有海無天地。颶。音具。風有時作，掀。音軒。簸。音播。眞差。銀去聲。事。聖人於天下，于物

無不容。比聞此州囚，亦有生還儂。官無嫌此州，固罪人所徙。官當明時來，事不得

說委。官不自謹慎，宜卽引分往。胡爲此水邊，神色久儻。他朗切。慌？胡晃切。赧。居郎切。大餅

饜。於京切。小，所任自有宜。官何不自量，滿溢以取斯。工農雖小人，事業各有守。不知

官在朝，有益國家不？同否。得無虱？同蠹。其閒，不武亦不文。仁義飾其躬，巧姦敗羣

倫。叩頭謝吏言，始慙今更羞。歷官二十餘，國恩並未酬。凡吏之所訶，嗟實頗有之。

不卽金木誅，敢不識恩私。潮州雖云遠，雖惡不可過。于身實已多，敢不持自賀。

借吏言以規諷，自嘲亦自寬解也。從古樂府得來，韓詩中之別調。原注。

【樂昌】唐地理志：樂昌縣屬韶州。

【瀧】水經注：瀧水又南出峽，謂之瀧口，又南逕曲江縣東。

【潮州】唐地理志：潮州潮陽郡。

屬嶺南道。

【底】設疑之詞，猶言何等也。唐人詩多用之。杜甫詩：文章差底病。

【竄流】有罪遠謫。

【儂】吳人稱我曰儂。

【嶺

南】謂五嶺之南。

【遼】遼也。

【鱣魚】永州記：鱣魚大者凡數丈，善食人。

【怖】畏也。

【颶風】南越志：颶風，其四方之風也。

【掀簸】掀，高聳貌。簸，揚米去糠也。

【差】異也。

【事不待句】委棄也，即說而不能委棄。

【慄慄】楚辭：劉向九歎：耳

聆嗽而慄慄。王逸曰：憂愁無所依歸也。

【瓶】揚子方言：靈桂之郊謂之瓶，周魏之間謂之甌。郭璞曰：今江東通名大甌爲瓶。

【餅】

餅小者謂之餅。【嬰】郭璞曰：江東亦呼嬰爲繩子。

【官何不自量二句】責其官高而至此也。

【虱】如虱居其間。

【羣

倫】倫，輩也。揚子法言：羣乎羣倫。

【吏之詞】詞，責也，同呵。漢書：李廣傳：霸陵尉督呵止廣。

【金木】莊子：列禦寇爲外刑者，

金與木也。

岳陽樓別竇司直

原注：竇曄時以武昌幕權岳州，愈移江陵法曹，道出岳陽樓作。

洞庭九州閒，厥大誰與讓？南匯羣崖水，北注何奔放。瀦

音猪。

爲七百里，吞納

各殊狀。自古澄不清，環混無歸向。炎風日搜攪，古巧切。幽怪多冗，如勇切。長，音伏。軒然

大波起，宇宙隘而妨。音訪。巍哉拔嵩華，騰蹕，徒弔切。較健壯。聲音一何宏，轟輻，邱葛切。

車萬兩。猶疑帝軒轅，張樂就空曠。蛟螭，抽知切。露筍簾，縞練吹組帳。鬼神非人世，節

奏頗跌踢。徒浪反。陽施見誇麗，陰閉感悽愴。朝過宜春口，極北缺堤障。夜纜巴陵洲，

叢茝，而銳切。纔可傍。星河盡涵泳，俯仰迷下上。餘瀾怒不已，喧聒，音括。鳴鑿，烏貢切。盎。

烏浪切。

明登岳陽樓，輝煥朝日亮。飛廉戢其威，清晏息纖，息廉切。纈，音曠。泓澄湛凝綠，

物影巧相況。江豚時出戲，驚波忽蕩漾。同漾。時當冬之孟，隙竅縮寒漲。前臨指近

岸，側坐眇難望。滌濯神魂醒，幽懷舒以暢。主人童孩舊，握手乍忻，音欣。悵。憐我竄

逐歸，相見得無恙。開筵交履舄，爛漫倒家釀。盃行無留停，高柱送清唱。中盤進橙

栗，投擲傾脯醬。歡窮悲心生，婉孌，力韓切。不能忘。

念昔始讀書，志欲干霸王。去聲。屠龍破千金，爲藝亦云亢。愛才不擇行，觸事

得讒謗。前年出官日，此禍最无妄。公卿探虛名，擢拜識天仗。姦猜畏彈射，斥逐恣欺誑。新恩移府庭，逼側厠諸將。吁嗟苦驚緩，但懼失宜當。追思南渡時，魚腹甘所葬。嚴程迫風帆，劈箭入高浪。顛沈在須臾，忠鯁古香切誰復諒！生還真可喜，克己自懲創。庶從今日後，蠹識得與喪。事多改前好，趣有獲新尙。誓耕十畝田，不取萬乘相。細君知蠶織，稚子已能餉。行當挂其冠，生死君一訪。

前兩段陽開陰闔，入管司直後，見忠直被謗，而又以追思南渡數語，挽轉前半，筆力矯然。原注。

【洞庭等句】洞庭湖，在湖南岳陽縣西南。蘓、亮、青、徐、揚、荆、豫、梁、雍，夏禹時謂之九州，此蓋言九州之閒，洞庭最大，無可與讓也。自此

至陰閉感懷，皆寫湖景。【羣崖水】即湘、沅、資三江之水，皆匯洞庭。【北注】注，流也。【潞】水所停也。【澄不清】澄，

水靜而清也。漢郭泰曰：叔度汪洋如千頃波，澄之不清。【炎風等句】借風以形容洞庭之大也。【搜攪】亂也。【冗長】

多也。陸機文賦：故無取乎冗長。【軒然】淮南子：軒軒然迎風而舞。【宇宙】淮南子：上下四方謂之宇，往古來今謂之宙。

【妨】害也。【巍峩句】言波起高如嵩華兩山也。【淖】遠勝貌。【轟輶】羽獵賦：皇車闐闐。上林賦：碎磅雷聲。司馬彪曰：水

聲也。確與輶音義同。【兩】事效也。漢書注：車有兩輪，故曰兩。【軒轅】黃帝也。莊子：黃帝張咸池之樂於洞庭之野。【張樂】

見上。【蛟螭句】蛟如蛇而四足，螭如龍無角，古以爲能與波浪者。荀爽以應鐘磬者，言大波之起，若荀爽猶存也。【綽練句】

綽，素也。程洪給也，除波浪。鮑照詩：組帳揚春風。此言大波之起，若組帳之懸也。【節】附雅和樂謂之節。【跌踴】放蕩也。【陽

施二句】言洞庭風景瞬息變化也。漢書律曆志：鈞者，均也，陽施其氣，陰化其物，皆得其成就均平也。又潘岳閒居賦：爾乃背冬涉春，陰謝陽施。揚雄甘泉賦：帥爾陰閉。【朝過宜春口等句】宜春，即袁州宜春口，未詳。自此句至闕懷舒以錫，先由潯引到岳陽，繼後寫樓景。【障】界也，隔也。【纜】維舟也。【巴陵】即岳州，今爲岳陽縣。【芮】草生貌。【星河句】謂星與天河映入水中也。【喧聒】郭璞江賦：千類萬聲，自相喧聒。【甕盎】盛物瓦器。【岳陽樓】周處風土記：岳陽樓，城西門門樓也，下瞰洞庭，景物寬闊。【飛廉】風神。【戕】斂也。【清晏】晏，天清也。揚雄傳：於是天清日晏。【纖纈】細綿也。海賦：輕塵不飛，纖纈不動。【泓澄】水深清貌。【湛】深厚也。【況】滋益也。【江豚】說文：江豚一名鱧鯨，欲風則踊。【冬之孟】十月也。愈於永貞元年十月至岳州。【寒漲】洞庭冬季則淺，水爲之縮而留隙。【主人等句】主人指賈庾，自此句至婉孌不能忘，皆入賈司直。【童孩舊】即童孩時舊相識也。【竄逐歸】德宗貞元十九年，退之自監察御史，貶爲陽山令，二十一年，遇赦，歿命於郴州，此句伏後追思南渡一段。【無恙】恙，病也。後漢書蘇竟傳：君執事無恙。【交頤鳥】史記滑稽傳：展禽交錯，杯盤狼藉。於郴州，此句伏後追思南渡一段。【爛漫】司馬相如上林賦：屬辟爛漫於前，此作淋漓解。【倒家釀】劉辰曰：見何次道飲，令人欲傾家釀。【高柱】琴柱。【送】古今琴錄：凡歌曲終，皆有送聲。【脯】肉乾也。【歡窮句】即樂極悲生之意。【婉孌】婉，少貌。孌，好貌。詩：婉兮孌兮，總角則兮。【念昔始讀書等句】自此至末句，皆自嘆也。【屠龍句】莊子：朱仝漫學屠龍於支離益，殫千金之家，三年技成，但無所用其巧。【亢】高也。【不擇行】謂不狎細行。【觸事句】謂爲幸臣李實所譏也。【前年出官日六句】貞元十九年，退之自博士拜監察御史，是時有詔以旱饑蠲租之半，有司徵愈急，愈與張署李方叔上疏，言關中天下根本，民急如是，請寬民徭，而免田租。德宗憫然，卒爲幸臣李實所譏，十二月貶連州陽山令。御史近君，故曰譏天仗。【奸猜二句】因退之爲御史，爲韋執

隨王叔文所排逐。【新恩句】公由比部郎中，史館修撰，轉考功郎中，知制誥，拜中書舍人。【逼側句】上林賦：逼側泌滴。注：相迫也。則，閒也。裴度討蔡，公爲行軍司馬，或指宣慰王庭湊事。【追思南渡句】打轉前半，方見寫景處，非漫然鋪敘。【魚腹】凝辭，寧赴湘流，葬於江魚之腹中。【嚴程】謂程期嚴迫也。【劈箭】言其速也。【趣】志趣也。【細君】稱妻也。漢書東方朔傳：歸道細君。師古曰：細君，朔妻之名，一說：細，小也。朔自比於諸侯，謂其妻曰小君。【餉】自家之野曰餉。書：乃葛伯仇餉。【挂其冠】南史：陶弘景挂冠神武門，上表辭職。【生死句】言無論生死，君當一訪我也。

薦士

此薦孟東野於鄭餘慶也。時孟爲深陽尉，鄭尹河南。

周詩三百篇，雅麗理訓誥。曾經聖人手，議論安敢到。五言出漢時，蘇李首更號。東都漸瀾，音彌。漫，派別百川導。建安能者七，卓犖，音落。變風操。逶，於爲切。迤，音移。抵晉宋，氣象日凋耗。中閒數，音所。鮑謝，比近最清奧。齊梁及陳隋，衆作等蟬噪。搜春摘花卉，許偉切。沿襲傷剽，西妙切。盜。國朝盛文章，子昂始高蹈。勃興得李杜，萬類困陵暴。後來相繼生，亦各臻閭奧。

有窮者孟郊，受材實雄鷺。

音微。

冥觀洞古今，象外逐幽好。橫空盤硬，魚孟切。語，

妥吐火切。帖力排纂。魚到切。敷柔肆紆餘，奮猛卷同卷。海濤。榮華肖天秀，捷疾逾響報。

行身踐規矩，甘辱恥媚竈。孟軻 音何切。分邪正，眸子看瞭音了。眊音帽。杳然粹而清，

可以鎮浮躁。酸寒漂音栗。陽尉，五十幾何毫。音帽。孜音去。孜營甘旨，辛苦久所冒。

俗流知者誰？指注競嘲傲。魚到切。聖皇素遺逸，髦士日登造。七到切。廟堂有賢相，愛遇

均覆燾。徒到切。況承歸與張，二公迭嗟悼！青冥送吹噓，強箭射魯縞。胡爲久無成，使

以歸期告。霜風破佳菊，嘉節迫吹帽。念將決焉去，感物增戀嫪。盧到切。彼微水中荇，

音春。尙煩左右芼。音帽。

魯侯國至小，廟鼎猶納郃。音告。幸當擇珉音珉。玉，寧有棄珪古圭字。瑁。音冒。悠

悠我之思，擾擾風中燾。音道。上言愧無路，日夜惟心禱。鶴翎不天生，變化在啄莢。

鸛報切。通波非難圖，尺地易可漕。在到切。善善不汲汲，後時徒悔懊。烏浩切。救死具八珍，

不如一簞。音單。犒微詩公勿誚，愷悌神所勞。

此盛稱東野之詩，謂可上承李杜，東野雖不足以當，而公愛才之心，幾比於吐哺握髮矣！原注。

【周詩三百等句】自此句至亦各臻闢奧，皆敘詩之源流。【雅麗句】謂雅麗而兼訓詁之理。【聖人手】謂孔子所擬訂。【五言二句】文選李陵與蘇武詩注云：五言詩自陵始也。【東都】謂東漢時也。【建安句】建安，漢獻帝年號。時孔融、陳琳、王粲、徐幹、阮瑀、陸瑒、劉楨，皆能詩，稱建安七子。【卓犖】超絕也。班固典引：卓犖乎方州。【逶迤】衰下貌。【晉司馬氏朝名。】【宋劉氏朝名。】【鮑謝】鮑照謝靈運也。杜甫詩：賦詩何必多，往往凌鮑謝。【齊梁】皆蕭氏朝名。【陳】陳氏朝名。【隋】楊氏朝名。【蠅噪】如蟬之噪，言其卑小。【搜春二句】言其摘取詞藻，轉相沿襲。【國朝】指唐也。【子昂】唐書：陳子昂字伯玉，梓州射洪人。唐興，文章承徐庾餘風，子昂始發雅正，爲感遇詩三十八章，海內宗以爲法。【李杜】杜甫與李白齊名，號李杜。【萬類困陵暴】此句當與調張籍詩，李杜文章在，光燄萬丈長，不知羣兒丑，那用故誇傷。蚍蜉撼大樹，可笑不自量。六句參觀，知當時恃強衆以謗李杜者，徒自困耳。【閩奧】室中之深處，一作靈奧。班固敘傳：究先聖之靈奧。【有窮者等句】郊年幾五十，來集京師，從進士試，既得即去，開四年，還爲溧陽尉。按：自此句至指注競嘲傲，皆論東野之人文。指、手指也。注、注目也。【妥帖】陸機文賦：或妥帖而易施。【慕】從嬌貌。【媚寵】論語：與其媚於奧，寧媚於顯。【孟軻二句】孟子：胸中正，則眸子瞭焉；胸中不正，則眸子眊焉。【溧陽尉】今江蘇溧陽縣尉。尉，縣屬吏。【五十句】言五十之年，去幾幾何。禮曲禮：八十九曰耄。【蔽】偈也。【聖皇等句】自此句至感物增悲，皆惜東野之遭遇。【賢相】餘慶於元和元年，復擢中書侍郎平章事，尋拜河南尹。【覆燄】燄同燄。中旂，辟如天地之無不持載，無不覆燄。【歸張】郊曾爲歸登張建封所知。【青冥】天也。【送吹噓】杜甫詩：揚雄更有河東賦，惟待吹噓送上天。【強箭句】漢韓安國傳：強弩之末，力不能入魯縞。【吹帽】晉孟嘉爲桓溫參軍，九月九日宴蘭山，寮佐畢集，有風至，吹嘉帽墮落。【戀膠】膠，讀：烟烟，戀惜也。【彼微等句】詩：參差行菜，左右

宅之。毛氏云：毫，擇也。按自此句至收句，皆望鄆波引之辭。

【魯侯二句】春秋：桓公二年，取鄆大鼎於宋，戊申，納於太廟。

【珉

玉】李白詩：流俗多錯謬，豈知玉與珉？

【珉珉】珉，珉玉，上圓下方，以分諸侯。周禮：天子執珉四寸，以朝諸侯。

【悠悠句】遠也。

【籀】毛羽皁也。張景陽詩：騁旅無定心，開關如懸旌，詩意取此。

【拖】鳥伏卵謂之拖。

【通波】西都賦：與海通波。【漕】史

記河渠書：徑易漕。如淳漢書注：水轉曰漕。

【八珍】周禮：膳夫：珍用八物。按禮內則：八珍，謂淳熬、淳母、炮豚、炮脾、醢珍、炙肝、膾也。

【一簞稿】稿，勞師也。簞，竹器。黃石公記：昔者良將用兵，人有饋一簞醪者，使投之於河，令將士迎流而飲之。

【愷悌句】詩：愷悌

君子，神所勞矣。

駑驥

駑

音奴。

駑

音臺。

誠齷齪，市者何其稠？

陳留切。

力小可易制，價微良易酬。渴飲一

斗水，飢食一束芻。

諛作都。

嘶鳴當大路，志氣若有餘。

諛作由。

騏驥生絕域，自矜無匹儔。

牽驅入市門，行者不爲留。借問價幾何？黃金比嵩邱。

借問行幾何？

音紙。

尺視九

州。飢食玉山禾，渴飲醴泉流。問誰能爲御？曠世不可求。

惟昔穆天子，乘之極遐遊。王良執其轡，造父挾其轡。

音舟。

因言天外事，茫惚

使人愁。駑駘謂騏驎，餓死余爾羞。有能必見用，有德必見收。孰云時與命，通塞皆自由。騏驎不敢言，低徊但垂頭。人皆劣騏驎，共以駑駘優。喟丘媿切余獨興嘆，才命不同謀。寄詩同心子，爲我商聲謳。音歐。

唐本有贈歐陽詹字，詹集有答韓十八駑駘吟，知此詩爲歐陽作也。小才得志，傲視高賢，古今一轍，豈獨歐陽爲邪？原注。

【駑駘】駑，最下馬。駘，駑馬銜脫也。九辯：策駑駘而取路。【騏驎】鮑照放歌行：小人自譴讎。【稠】多也。【一束芻】芻，養也。

詩：生芻一束。【騏驎】騏，馬青驪文如博棊也。驎，千里馬也。【嵩邱】嵩山，黃金如山，極言其價之高。【玉山禾】山海經：玉

山，王母所居，昆侖之墟，高萬仞，其上有木禾。鮑照代空城雀詩：誠不及青鳥，遠食玉山禾。【醴泉流】白虎通：醴泉者，美泉狀如醴。

【穆天子】史記：周穆王得騏驎驪騮，驪騮之駒，西巡狩，樂而忘歸。【遐遊】穆王十七年西征於昆侖邱，見西王母。【王

良】趙簡子御者：韓子王良佐轡，則身不勞，而易及驅獸。【造父】史記：周穆王使造父御，西巡狩，見西王母，乃賜造父以趙城。

【挾駒】朝，車轡。左隱：顧考叔挾駒以走。【天外事】卽昆侖邱事，非中國所見者也。【商聲】禮月令：孟秋之月，其聲商。

調張籍籍字文昌，和州烏江人。韓愈薦爲國子博士，當時名士皆與之游，而愈尤賢重之。

李杜文章在，光燄萬丈長。不知羣兒愚，那用故謗傷！蚍音毗蜉音浮撼胡感切

大樹，可笑不自量。平聲。伊我生其後，舉頸遙相望。夜夢多見之，晝思反微茫。徒觀

斧鑿痕，不矚音燭。治水航。想當施手時，巨刃磨天揚。垠音銀。崖劃崩豁，乾坤擺北

買切。雷礪。音郎。惟此兩夫子，家居率荒涼。帝欲長吟哦，故遣起且僵。音姜。翦翎送

籠中，使看百鳥翔。平生千萬篇，金薤胡戒切。垂琳琅。仙官勅六丁，雷電下取將。流落

人間者，太山一豪芒。我願生兩翅，捕逐出入荒。精誠忽交通，百怪入我腸。刺七亦切。

手拔鯨牙，舉瓢酌天漿。騰身跨汗漫，不著陟略切。織女襄。顧語地上友，經營無太忙。

乞君飛霞珮，與我高頡頏。胡結切。頡頏。○以上五古。

言生平願學者，惟在李杜，故夢見之；更冀生羽翼以追逐之。見瞻有志於古，亦當以此爲正宗，無用歧趨也。元微之尊杜而抑李，昌黎則

李杜並尊，各有見地，至謂卒兒愚，指微之，魏道輔之言，未可援引。原注。

【羣兒句】當時後生妄議者多，不可專指元也。【蚍蜉】財推：蚍蜉，大蟻。郭璞曰：俗呼馬蚍蜉。【徒觀六句】詩意謂李杜文

章，如禹疏鑿江峽，雖有迹可尋，而當時運量之巧，則不可得而覩矣。【釜鑿痕】江賦：巴東之峽，夏禹疏鑿。【垠崖二句】言治

水時山嶺天地崩裂之狀。吳都賦：茲擬雷礪。善曰：崩弛之聲。【帝欲長吟哦二句】欲其詩道之昌，故使之屈居小官而不得志

也。【翦翎句】鵝鵝賦：閉以雕籠，翦其翎羽。【金薤句】趙子良古今篆隸書體：有金錯書，倒薤書。琳瑯，美玉。【六丁】道書：

陽官六甲，陰官六丁，謂六甲中丁神也。【雷電句】異人記：上元中，台州道士王遠知善易，知人死生禍福，作易總丁五卷。一日，雷雨雲霧中，一老人語遠知曰：所泄者書何在？上帝命吾辨六丁雷電追取。【流落】江總詩：流落今如此。【豪芒】班固答賓戲：銳思於豪芒之內。師古曰：喻纖微也。【八荒】八方荒遠之地。【拔鯨牙酌天漿】魏道靜云：高至於酌天漿，幽至於拔鯨牙，其思頗深遠如此，詎止於曹劉沈宋之間邪？【汗漫】淮南子：廣放游乎北海，見一士焉，敖仰視之。士笑曰：吾與汗漫期於九垓之上，吾不可以久居，舉臂而竦身，遂入雲中。【織女襄】詩：跋彼織女，終日七襄。鄭氏曰：襄，駕也。【乞】求也。杜甫詩：賴有蘇司業，時時乞酒錢。【顏顏】詩：燕燕于飛，顏之頰之。毛氏云：飛而上曰頰，飛而下曰顏。

七古

汴州亂二首

汴州陳留郡，唐武德四年置，治今河南開封縣。亂事見下原注。

汴皮夢切。州城門朝不開，天狗墮地聲如雷。健兒爭誇殺留後，連屋累棟燒成

灰。諸侯咫尺不能救，孤士何者自興哀！

汴州董晉卒，陸長源總留守事，八日而軍亂，殺長源。公因此作詩。原注。

【天狗】漢書天文志：天狗狀如犬，流星有聲，其下止地，類狗所墜，及望之如火光炎炎，中天千里，有破軍殺將之兆。

【健兒】唐書

天寶十四載，京師召募十萬，號天寶健兒。【殺留後】見上原注。【諸侯句】謂各節度使坐視也。

母從子走者爲誰？大夫夫人留後兒。昨日乘車騎大馬，坐者起趨乘者下。廟堂不肯用干戈，嗚呼奈汝母子何！

【大夫夫人句】謂長源妻子。【廟堂句】謂德宗時君臣姑息也。

山石

山石犖确

音聾。

行徑微，黃昏到寺蝙蝠

音逆。

飛。

音福。

升堂坐階新雨足，芭蕉

葉大支

即提字。

子肥。僧言古壁佛畫好，以火來照所見稀。鋪床拂席置羹飯，疎糲

蘭

末切。

亦足飽我飢。夜深靜臥百蟲絕，清月出嶺光入扉。天明獨去無道路，出入高

下窮烟霏。山紅澗碧紛爛漫，時見松櫪

音歷。

皆十圍。當流赤足蹋澗石，水聲激激

風吹衣。人生如此自可樂，豈必局束爲人羈。

音機。

嗟哉吾黨二三子，安得至老不

更歸！

元道山詩絕句云：有情芍藥含春淚，無力薔薇臥晚枝。拈出退之山石句，始知渠是女郎詩。謂此篇有情二句，秦少游詩原注。

【犖确】石地也。
【蝙蝠】翼手類之哺乳動物，能食蚊蠅。

【芭蕉】蘇頌草木疏：芭蕉葉大者二三尺，圍重皮相襲，葉如扇生。

【支子】西陽雜俎：諸花少六出者，惟梔子花六出，卽西域薝蔔花也。

【肥】杜甫詩：紅綻雨肥梅。肥字本此，承上新雨足來。

軍漢李廣也，以此侯射。【五色】文選射雉：有五色之名聲。

汴泗交流贈張僕射

按建封於貞元間爲徐州刺史，加檢校右僕射，時退之在建封臺。

汴泗交流郡城角，築場千步平如削。短垣三面繚逶迤，擊鼓騰騰樹赤旗。新秋朝涼未見日，公早結束來何爲？分曹決勝約前定，百馬攢蹄近相映。毬驚杖奮合且離，紅牛纓紱黃金羈。側身轉臂著馬腹，霹靂應手神珠馳。超遙散漫兩閒暇，揮霍紛紜爭變化。發難得巧意氣粗，謹聲四合壯士呼。此誠習戰非爲劇，豈若安坐行良圖。當今忠臣不可得，公馬莫走須殺賊。

【汴泗交流】唐時汴水流徐之西，泗水流徐之南，故曰交流。【築場】謂球場。【繚】繞也。西都賦：繚以周牆。【逶迤】下貌。

【分曹】曹，偶也。楚辭招魂：分曹並進。按：球兩人對毬曰白打，三人角毬曰官場，球會曰買社。見事物紺珠。【攢】聚也。

【杖】所以擊球者，遼耶律塔不也，凡毬勝鞠不離杖，即善此技，蓋鞠與球同也。【紅牛】周禮注：旄舞者，旄牛之尾。按：旄牛毛長，可染紅色，前清涼館纓用之，此則用爲馬飾耳。

【纓紱】左桓：繫馬游纓。注：纓，在馬膺首如索者。釋文：紱或作緹。【黃金羈】曹植詩：白馬飾金羈。

【側身句】寫擊球之姿勢。【霹靂句】寫擊球之敏捷。南史曹景宗傳：拓弓弦作霹靂聲。唐王昌內人擊球賦：

球盤今如珠。

【超遙二句】寫各人有球之狀。西京賦：跳丸劍之揮霍。

【發難得巧句】寫得勝之技，即維帶箭所謂將軍欲

以巧伏人，盤馬彎弓惜不發是也。

【謹聲句】寫遼勝之聲勢。

【習戰】荆楚歲時記：寒食蹴鞠，黃帝所造，以練武士，本兵勢也。

【劇】戲也。

【豈若三句】蓋諷之也。按：退之集中有諷張僕射擊球書。

贈唐衢

【衢應進士久而不第，見人文章有所傷歎者，諷訖必哭，嘗遊太原，屬戎帥軍宴，衢與會，酒酣言事，抗音而哭，一席爲

之不歡，故世稱唐衢善哭。

虎有爪兮牛有角，虎可搏兮牛可觸；奈何君獨抱奇才，手把鉏土魚切。犁餓空

谷。當今天子急賢良，

【音軌】

函朝出開明光。何不上書自薦達，坐令四海如虞唐。

【鉏】農器，去穢助苗也。

【犁】犁田器。

【賢良】漢有賢良方正科。

【函】舊唐書武后紀：垂拱二年，命置匭於朝堂，有進

書言事者聽投之。

【明光】三秦記：未央宮漸臺西有桂宮，中有明光殿。

【虞唐】虞舜唐堯也。

八月十五夜贈張功曹

張功曹名署，爲宰臣所讒，與退之及李方叔三人，俱爲縣令南方。順宗即位，逢恩俱

徙潁江陵，是詩俟命郴州時作。

纖雲四卷天無河，清風吹空月舒波。沙平水息聲影絕，一杯相屬之欲切。君當歌。君歌聲酸辭且苦，不能聽終淚如雨。洞庭連天九疑高，蛟龍出沒猩麋音吾號。

十生九死到官所，幽居默默如藏逃。下牀畏蛇食畏藥，海氣溼蟄熏腥臊。音馱

昨者州前槌

音通

大鼓，嗣皇繼聖登夔渠道切皋。赦書一日行萬里，罪從大辟

音僻

皆除死。遷者追回流者還，滌瑕蕩垢清朝班。州家申名使家抑，坎軻祇得移

荆蠻。判司卑官不堪說，未免捶之累切楚塵埃閒。同時輩流多上道，天路幽險難追

攀。君歌且休聽我歌，我歌今與君殊科。一年明月今宵多，人生由命非由他。託何切

有酒不飲奈明何！

【纖雲三句】寫中秋夜景也。波，月光。

【一盃句】漢灌夫傳：夫迎田蚡過餐嬰，及飲酒酣，夫起舞屬蚡。師古曰：屬，代也，猶今之舞。

能相勸也。魏武帝短歌行：對酒當歌，人生幾何！

【淚如雨】李白詩：獨宿空房淚如雨。

【洞庭連天等句】自此句至幽險難

追攀，皆述張功曹歌中大意。

【九疑】山名，在湖南寧遠縣南。

【猩】猩，猿類。爾雅注：犀如小兒啼。

【麋】爾雅注：麋，鼠，飛且

乳，亦謂之飛生鼠，辟如人呼。

【蛇】南方多蛇。

【藥】南方多毒藥。

【蟄】藏也。

【槌大鼓】槌，擊也。唐書禮樂志：日未明四

列，搥一鼓爲一嚴。【嗣皇】貞元二十一年正月，順宗即位，二月甲子，大赦天下。

【夔皋】夔，后夔。皋，皋陶。陰賢臣也。

【赦書】

見上韻皇注。【大辟】謂死罪也。【州家申名】謂州刺史申報姓名也。【使家抑】謂湖南觀察使抑之使下也。【坎

軻】同輅，不退也。古詩：輅軻長苦辛。【移荆蠻】謂移掾江陵也。江陵舊爲楚地，故稱荆蠻。【判司】功曹也。【捶楚】捶

以杖也。楚，荆也，扑撻犯惡者。按唐制：參軍簿尉有過，即受管杖之刑。【同時輩流】謂愆與署及李方叔也。【君歌且休五

句】方入自己口氣，總以見人之悲，已之樂耳。

謁衡嶽廟遂宿嶽寺題門樓

衡山，在今湖南衡山縣西，是詩亦陽山北還時作。

五嶽祭秩皆三公，四方環鎮嵩思嚴切當中。火維地荒足妖怪，天假神柄專其

雄。噴雲泄音薛霧藏半腹，雖有絕頂誰能窮？我來正逢秋雨節，陰氣晦昧無清風。

潛心默禱若有應，豈非正直能感通。須臾靜掃衆峯出，仰見突兀撐抽庚切青空。紫

蓋連延接天柱，石廩騰擲堆祝融。森然魄動下馬拜，松柏一逕趨靈宮。粉牆丹柱

動光彩，鬼物圖畫填青紅。升階僂僂薦脯酒，欲以菲薄明其衷。廟內老人識神意，

睢韻歷盱音吁偵丑鄰切伺能鞠躬。手持杯琖音敬導我擲，云此最吉餘難同。竄逐

蠻荒幸不死，衣食纔足甘長終。侯王將相望久絕，神縱欲福難爲功。夜投佛寺上

高閣，星月掩映雲牖。從東切。牖，力東切。猿鳴鐘動不知曙，杲杲寒日生於東。

【五嶽句】證王制：天子祭天下名山大川，五嶽視三公，望秩於山川。注：如其秩次望祭之。【四方句】白虎通：嵩山居四方之中，故曰嵩。周禮：正南曰荊州，其山鎮曰衡山。

【天假神柄句】衡嶽廟祀炎帝。徐靈期南嶽記：下踞離宮，統攝火帥，故號南嶽，赤帝館其蹟，祝融宅其陽。【噴雲泄霧】相傳南嶽多雲霧。【絕頂】山嶺也。杜甫望嶽詩：會當凌絕頂，一覽衆山小。【我來句】

退之自陽山北還過衡，在永貞元年八月。【秋雨陰氣晦昧】皆頂上雲霧來，以襯出下文開霽之奇。【正直】謂嶽神。左莊神

聰明正直而壹者也。【須臾靜掃二句】謂突然開霽也。蘇軾潮州韓文公廟碑：故公之精誠，能開衡岳之雲，即用此事。【突兀】杜甫清陽候詩：突兀猶趁人。【紫蓋二句】長沙記：衡山七十二峯，最大者五：芙蓉、紫蓋、石廬、天柱，祝融爲最高。【靈宮】

卽神廟也。【偃僂】曲背也。六傳昭七年：一命而僂，再命而偃。【睢盱】小人喜悅貌。見集韻。【杯琖】程大昌演義錄：問卜於神，有器名杯琖，以兩蚌殼投空擲地，觀其俯仰，以斷休咎。後人或用竹，或用木，斷如蛤形，而中分爲二，亦名杯琖。【竄逐蠻荒】謂

簡爲陽山令。【長終】史記扁鵲傳：長終而不得返。【臙臙】潘安仁秋興賦：月臙臙而含光。注：臙臙，月欲明也。【猿鳴句】謝靈運溪行詩：猿鳴誠知曙，各幽光未顯。【杲杲句】杲杲，明也。詩：杲杲出日。證祭義：大明生於東。按：此句與陰氣晦昧反照。

嗟哉董生行董召南，雲州安喜人，舉進士，連不得志於有司，見退之送董生遊河北序。

淮水出桐柏山，東馳遙遙千里不能休。翻音記。水出其側，不能千里百里入

七古

淮流。壽州屬縣有安豐，唐貞元時縣人董生召南隱居行義於其中。刺史不能薦，天子不聞名聲，爵祿不及門。門外惟有吏，日來租徵更索錢。嗟哉董生！朝出耕，夜歸讀古人書，盡日不得息。或山而樵，或水而漁，入廚具甘旨，上堂問起居。父母不感，感妻子不咨咨。

嗟哉董生孝且慈！人不識，惟有天翁知，生祥下瑞無時期。家有狗乳出求食，雞來哺其兒；啄啄庭中拾蟲蟻，哺之不食鳴聲悲；傍徨躑躅久不去，以翼來覆待狗歸。嗟哉董生！誰將與儔時之人，夫妻相虐，兄弟爲讐。食君之祿而令父母愁，亦獨何心？嗟哉董生無與儔！

此詩宋子取入小學中，見孝慈之行，可以矜式衆人也。直白少文，正是不可及處。○倉庫月云：奇橫在用韻處，貫下一筆，然後截住，以足上意，如盡日不得息，亦獨何心等句是也。原注。

【淮水句】書禹貢：導淮自桐柏。按：桐柏山，在河南桐柏縣西北。水經：淮水出南陽平氏縣胎簪山，東北過桐柏山。【泗水】水經：泗水出九江成德縣廣陽鄉，西北入於淮。【壽州句】唐地理志：壽州壽春郡有安豐縣，屬淮南道，今安徽霍邱縣治。【貞元】德宗年號。【隱居行義】詩：隱居以求其志，行義以達其道。【刺史】唐之按察使觀察使，其職例皆古之刺史。【甘旨】證內

【問】味爽而朝，慈以甘旨。【感感】受也。【咨咨】怨也。【天翁】西陽雜俎：天翁，姓張名堅。【蟲蟻】杜甫詩：行家人厭蟻食蟲蟻。【躑躑】盤旋不去之狀。【將誰與儔】疑而問之之詞。【無與儔】答而決之之詞。

寒食日出遊

張十一院長見示病中憶花九篇。寒食日出遊夜歸，因以投贈。原注：張十一即張署。

李花初發君始病，我往看君花轉盛。走馬城西惆悵歸，不忍千株雪相映。邇來又見桃與梨，交開紅白如爭競。可憐物色阻攜手，空展霜縑吟九詠。

紛紛落盡泥與塵，不共新粧比端正。桐華最晚今已繁，君不強起時難更。關山遠別固其理，寸步難見始知命。

憶昔與君同貶官，夜渡洞庭看斗柄。豈料生還得一處，引袖拭淚悲且慶。各言生死兩追隨，直置心親無貌敬。念君又署南荒吏，路指鬼門幽且蔓。三公盡是知音人，曷不薦賢陛下聖。囊空甕_{會去聲}倒誰救之，我今一食日還併。自然憂氣損天和，安得康強保天性。斷鶴兩翅鳴何哀，繫_{陟立切}驥四足氣空橫。今朝

寒食行野外，綠楊市子答切岸蒲生迸。宋玉庭邊不見人，輕浪參初聲切差又茲切魚動鏡。自嗟孤賤足瑕疵，特見放縱荷寬政。飲酒寧嫌餒限限切，同同底深。題詩尙倚筆鋒勁。明宵故欲相就醉，有月莫辭當火令。

【不忍句】言不忍獨看也。【物色】察訪人物，以其容貌求之。【霜縑】縑，即今之絹。霜縑，謂潔白如霜也。【九詠】謂張署所作憶花九篇也。【端正】劉公幹詩：冰霜正慘慄，終歲常端正。【桐華】證記月令：季春之月，桐始華。按：三次花開，蓋因其憶花意答之，所以有憶。【關山遠別句】蓋著此以生出憶昔等句也。【同貶官】見前八月十五夜贈張功曹題注。【洞庭】見前。【看斗柄】淮南子：夫乘舟而惑者，不知東西，見斗極則曉然矣。【生還得一處】謂俱移據江陵。【直置句】言交誼甚篤。【南荒吏】張署墓志：邕管奏署爲判官。【鬼門】舊唐書地理志：容州北流縣三十里，有兩石相對，其間闊三十步，俗號鬼門關。【二公】韓立太師太傅太保，茲惟三公。【陛下】蔡邕獨斷：謂陛下者，羣臣不敢指斥天子，故呼爲陛下者，因尊堯卑之義也。【囊空】杜甫詩：囊空恐羞澀，留得一錢看。【飢倒】後漢書郭林宗傳：五敎客太原，荷飯墮地，不顧而去。【一食日還併】證記備行：備有并日而食。【進】通也。【宋玉庭】王逸楚辭序：宋玉，屈原弟子。唐余知古清宮故事：庾信寓江陵，居宋玉故宅，宅在城北三里。【飲酒句】南史：梁父在江總席上曰：雖深盡日罰，吾亦不辭也。【筆鋒】鮑照詩：五車摧筆鋒。【明宵二句】言夜行有月，故不憂當寒食禁火之令耳。【火令】鄭玄周禮注：時則施火令。魏武帝明罰令云：開太原、上黨、西河、雁門，冬至後百五日，皆絕火寒食。

鄭羣贈簾

羣官以侍御史佐裴均江陵。

蕲州笛竹天下知，鄭君所寶尤瓌。

音規。

奇攜來當畫不得臥，一府傳看黃琉

璃。體堅色淨又藏節，盡眼凝滑無瑕疵。法曹貧賤衆所易，腰腹空大何能爲？自從

五月困暑溼，如坐深甑遭蒸炊。手磨袖拂心語口，慢膚多汗眞相宜。日暮歸來獨

惆悵，有賣直欲傾家資。誰謂故人知我意，卷送八尺含風漪。

於宜切。

呼奴掃地鋪未

了，光彩照耀驚童兒。青蠅側翅蚤蟲避，肅肅疑有清飈吹。倒身甘寢百疾愈，卻願

天日恆炎曦。明珠青玉不足報，贈子相好無時衰。

【蕲州】蕲州蕲春郡，屬淮南道，土貢此簾。見唐地理志。

【笛竹】蕲州出竹，本用爲笛材，今以之爲簾。

【瓌】猶珍寶也。

【琉璃】謂簾色似黃琉璃也。按東坡贈簾與蒲傳正詩云：愧此八尺黃琉璃，卽祖此詩。

【法曹】愈自陽山量移江陵法曹，與羣同僚。

【衆所易】謂衆所輕易也。

【腰腹空大】唐孔戣私記云：退之豐肥善睡，每來吾家，必命枕簾。

【飢】釜也。

【慢膚】漚

【辭天問】平脊慢膚，何以肥之。

【漪】水波如錦文也。

【青蠅】詩：營營青蠅。

【蚤蟲】抱朴子：蚤蟲攻君，臥不獲安。

【飈】風

也。【甘寢】莊子：孫叔敖甘寢乘羽，而鄙人投兵。【曦】日光。【明珠青玉】文選：服平子四愁詩：美人贈我貂蟬綺，何以報之。

明月珠。文。美人贈我錦綺段，何以報之青玉案。

贈崔立之評事

崔斯立，字立之，博陵人。貞元四年，中進士第，元和初，以前大理評事言得失顯官，再轉爲鹽田丞。

崔侯文章苦捷敏，高浪駕天輸不盡。曾從關外來上都，隨身卷軸車連軫。止

忍切。

朝爲百賦猶鬱怒，暮作千詩轉遒緊。搖毫擲簡自不供，頃刻青紅浮海蜃。才

豪氣猛易語言，往往蛟螭雜螻蚓。

音引。

知音自古稱難遇，世俗乍見那妨哂。勿嫌

法官未登朝，猶勝赤尉長趨尹。時命雖乖心轉壯，技能虛富家逾窘。互隕切。念昔塵

埃兩相逢，爭名齟齬持矛楯。子時擅場誇誇，即委切。距余始張軍嚴轡。曉見切。鞫。以忍切。

爾來但欲保封疆，莫學龐涓怯孫臏。

音化。

竄逐新歸厭聞鬧，齒髮早衰嗟可閔。頻

蒙怨句刺棄遺，豈有閒官敢推引？深藏篋笥時一發，戢戢已多如束筍。可憐無益

費精神，有似黃金擲虛牝。

當今聖人求侍從，去聲。

拔擢杞梓收楮

音戶。

箇。

音窘。

東馬嚴徐已奮飛，枚臯

即召窮且忍。復聞王師西討蜀，霜風冽。音列。冽摧朝菌。音察。走章馳檄。刑欲切。在得

賢，燕雀紛拏要鷹隼。竊料二塗必處一，豈比恆人長蠢。尺尹切。蠢勸君韜養待徵。音

止。招，不用雕琢愁肝腎。牆根菊花好沽酒，錢帛縱空衣可準。暉暉簷日煖且鮮，撼

音索。撼井梧疎更韻。一本作頌。高士例須憐麴。音菊。麴丈夫終莫生哇。音搗。吟。止忍切。

能來取醉任喧呼，死後賢愚俱浪泯。

【崔侯】晉崔君也。【捷敏】杜甫詩：敏捷詩千首。【高浪句】賀陵也。韓、寫也。言文章如高浪駕天，輪寫不盡。【關外】函

谷關外。【上都】謂京師。【軫】車後橫木曰軫。連軾，言數軍相接也。【鬱怒】言猶有餘勇也。【搖毫句】言落筆之速，而

簡紙不暇供其揮灑。【頃刻句】史記：海旁蜃氣象樓臺。此蓋喻其文之光怪陸離，頃刻即見也。【往往蛟螭句】蛟螭，龍屬。蛟

蜃，小蟲也。君溪漁隱證語：立之詩有不工處，故退之以此譏之。【晒】笑也。【法官】謂立之爲大理評事。【赤尉】元和郡縣

志：大唐縣有赤綾堡，上中下六等之差，京師所治爲赤縣，京之旁邑爲畿縣。【窘】窮迫也。【齟齬】見前。【矛楯】韓非子：

楚人有怒其盾之堅，曰：物莫能陷也。又得其矛之利，曰：物無不陷也。或曰：以子之矛，陷子之盾，何如？其人勿能應。【檀場誇觜距】

文選：東京賦：秦政利觜長距，終得擅場。注：喻七雄爲國難，利喙長距，終擅一場也。又，拉，專也。【轆轤】左傳：晉車七百乘，繫轆轤，杜

預曰：在宵日，在陶日，韜。【龐涓怯孫臏】孫臏與龐涓俱學兵法，涓自以能不及臏，陰召臏至，以法斷其兩足而黥之，後敗於臏。

而死。【竄逐新歸】退之方自江陵法曹召爲國子博士。【棄遺】詩小雅棄予如遺。【戢戢】戢也。【虛化】文選殷仲文詩哀登即虛化。大戴記邱陵爲牡，谿谷爲牝。【當今聖人】謂憲宗也。【侍從】謂文學侍從之臣也。【杞梓】左昭晉大夫如杞梓皮革，自楚往也。杜預曰：杞梓，皆木名。【栝櫟】書：惟栝櫟。孔氏云：栝櫟，美竹，中矢鏃。【東馬嚴徐】漢書：東方朔、字曼倩，平原厭次人。司馬相如，字長卿，蜀郡成都人。嚴安，臨淄人。徐樂、燕鄒無終人。【枚皋】漢枚皋傳：字少孺，自稱枚乘之子，上得大喜，召入見，待詔拜爲郎。【討蜀】見前元和聖德詩注。【霜風冽冽】冽冽，寒勁貌，喻王師聲威也。【朝菌】喻劉開也。莊子：朝菌不知晦朔。【走章句】西京雜記：枚皋文章敏疾，軍旅之際，戎馬之間，飛書馳檄，用枚皋。【燕雀句】鷹隼鷙鳥，所以逐燕雀者，紛拏，亂也。要，邀也。喻蜀之紛亂，適召王坤也。【二塗】卽內監侍從，外掌章檄也。【蠢蠢】無知之貌。【準】典質之義。【撼撼】枝空之貌。文選盧子諲詩：撼撼芳葉零。【麴藥】酒母也。晉孔羣傳：嘗與親舊書云：今年田得七百石秬米，不足了麴藥事。【哇咿】田園之界，句言無生彼此之見也。

酬司門盧四兄雲夫院長望秋作

長安雨洗新秋出，極目寒鏡開塵函。終南曉望蹋徒合切，踏本字。龍尾，倚天更覺

青嶮

音記。

嶮。自知短淺無所補，從事久此穿朝衫。歸來得便卽遊覽，暫似壯馬脫

重銜。音咸。

曲江荷花蓋十里，江湖生目思莫緘。樂遊下矚無遠近，綠槐萍合不可

芟。

音衫。

白首寓居誰借問？平地寸步屣雲巖。雲夫老兄有狂氣，嗜好與俗殊酸鹹。

日來省我不肯去，論詩說賦相誦。女咸切。誦。望秋一章已驚絕，猶言低抑避謗讒。若

使乘酣騁雄怪，造化可以當鑄。子全切。劍。徂荷切。

嗟我小生值強伴，怯膽變勇神明鑒。

讀平聲，古衙切。

馳坑。客庚切。

跨谷終未悔，爲利

而止眞貪饒。

音譏。

高揖羣公謝名譽，速追甫白感至誠。

音咸。

樓頭完月不共宿，其

奈就缺行攢。

所咸切。

攢。一作綴。

【長安雨洗二句】寫秋景也。

【寒鏡開塵函】喻雲霧開而天清明也。

【終南】杜氏通典：長安縣南有終南山，在武功縣

東，一名南山。

【龍尾】

賈公談錄：唐龍尾道在含元殿側。白樂天詩：步登龍尾道，卻望終南山。

【嶠嶠】山險絕如劍削也。

【短

淺】漢孔光傳：智謀短淺。

【從事句】杜甫詩：將軍昔著從事衫，鐵馬馳突重兩衙。

【壯馬脫重銜】同上注。

【曲江荷

花】寰宇記：曲江池，漢武帝所造，其水曲折，有似廣陵之江，故名。康駢闕發錄：曲江池，入夏則菰蒲蔥翠，碧波紅蕖，湛然可愛。

【江湖

生目】言江湖之景，生在目前也。

【樂遊】漢書：宣帝紀：起樂遊苑。注：在杜陵西北，今呼爲樂遊廂。兩京新記：亦名樂遊原，基地最高。

四望寬敞。

【綠槐萍合】言下望綠槐，如萍聚於水面也。

【誦誦】說文：誦誦，語聲，又多言貌。

【望秋一章】盧雲夫原作。

【鐫剗】鑿也。【小生】漢張禹傳：新學小生。【鑒】通作監。商頌：天命降監。作平聲。【坑】廢壘也。【谷】兩山間流水之
道。【爲利句】言拘於利祿，而不遯此山，是爲貪饒之人矣。【甫白】謂杜甫李白也。【感至誠】誠也。書：至誠感神。【完
月】言月圓也。退之月蝕詩：有完完上天東之句，亦同此意。【攢攢】詩：攢攢女手。說文與石經，皆作攢攢。

和虞部盧四酬翰林錢七赤藤杖歌

盧汀字雲夫，元和元年進士，歷虞部司門庫部郎中，
選中書舍人，爲給事中。錢徵字蔚章，吳郡人，起子，貞元初進士，仕至翰林學士。

赤藤爲杖世未覩，臺郎始攜自滇。

音頭。

池。滇王掃宮避使者，跪進再拜語盟

烏沒切。

咿。音伊。

繩橋挂過免傾墮，性命造次蒙扶持。途經百國皆莫識，君臣聚觀逐

旌麾。共傳滇神出水獻，赤龍拔鬚血淋漓。又云義和操火鞭，暝到西極睡所遺。幾
重包裹自題署，不以珍怪誇荒夷。歸來捧贈同舍子，浮光照手欲把疑。空堂晝眠
倚戶牖，飛電著壁搜蛟螭。南宮清深禁闥密，唱和有類吹塤。音燕。篴。音池。妍辭麗
句不可繼，見寄聊且慰分司。

【臺郎】謂盧汀也。汀官見題注。

【滇池】一名昆明池，周五百餘里，在今雲南省城南。華陽國志：澤下流狹，狀如倒池，故曰滇池。

【瀛王】史記：西南夷王，長以什貨，夜而最大，其西歸莫之屬以什貨，瀛最大。【掃宮避使者】言掃除其宮爲使館，而自避退也。

【咽咽】夷語也。【繩橋】梁益記：峽橋連竹索爲之，亦名繩橋。杜甫詩：運糧繩橋壯士喜。【拄過】謂拄杖而過也。【造

次】急遽荷且之時。【途經百國二句】百國，謂瀛蜀則土司，聚觀此杖也。【旌麾】旌幟之屬。【共傳四句】乃聚觀猜

擬之辭。【瀛神】漢書：或言益州有金馬碧雞之神。【赤龍鬚】喻赤藤杖也。淮南子：赤金千歲生赤龍。史記封禪書：龍鬚拔墮

爲藤杖，以釋番人之猜疑也。【同舍子】指錢翰林。漢書：直不疑傳：誤將持其同舍郎金去。【浮光句】言未把之時，光已照手，

故欲把而疑之也。【飛電句】言飛電亦疑爲蛟螭而欲搜之也。【南宮句】南宮，謂虞部，指盧。禁閑，謂翰林，指錢也。白樂天詩：

逆列陳垣升禁閑。【填篋】均樂器。詩：伯氏吹塤，仲氏吹篋。【分司】元和四年，退之改官員外郎，守東都省，故曰分司。

石鼓歌

石鼓歌

歐陽修集古錄云：石鼓文在岐陽，至唐人始盛稱之，而韋應物以爲周文王之鼓，至宣王刻詩，韓退之直以爲宣王

之鼓，在鳳翔孔子廟中。按石鼓，今在北平文廟門內。

張生手持石鼓文，勸我試作石鼓歌。少陵無人謫仙死，才薄將奈石鼓何！周

網陵遲四海沸，方味切。宣王憤起揮天戈。大開明堂受朝賀，諸侯劍佩鳴相磨。蒐

搜。於岐陽騁雄俊，萬里禽獸皆遮羅。鑄功勒成告萬世，鑿石作鼓墜。許規切。嗟。倉何切。

哦。我平聲。從臣才藝咸第一，揀選撰刻留山阿。雨淋日炙野火燎，音料。鬼物守護煩

搗。音塵。呵。公從何處得紙本，毫髮盡備無差訛。辭嚴義密讀難曉，字體不類隸與

科。年深豈免有缺畫，快劍斫。音酌。斷生蛟鼉。唐何切。鸞翔鳳翥。章瑟切。衆仙下，珊瑚碧

樹交枝柯。金繩鐵索鎖紐壯，古鼎躍水龍騰梭。陋儒編詩不收入，二雅褊。畢紹切。迫

無委。音威。蛇。音移。孔子西行不到秦，掎。音几。撫。之石切。星宿遺羲娥。嗟余好古生苦

晚，對此涕淚雙滂沱。

憶昔初蒙博士徵，其年始改稱元和。故人從軍在右輔，爲我量度掘白科。濯

冠沐浴告祭酒，如此至寶存豈多！氈包席裏可立致，十鼓祇載數駱駝。薦諸太廟

比。音部。鼎，光價豈止百倍過？音語。聖恩若許留太學，諸生講解得切磋。觀經鴻都尙

填咽，坐見舉國來奔波。烏微切。苔剔蘚露節角，安置妥帖平不頗。大厦。沙去聲。深簷

與蓋覆，經歷久遠期無佗。中朝大官老於事，詎肯感激徒媿。音媿。嬰。於何切。牧童敲

火牛礪角，誰復著手爲摩挲？日銷月鑠，書藥切。就埋沒，六年西顧空吟哦。羲之俗書
趁姿媚，數紙尙可博白鵝。繼周八代爭戰罷，無人收拾理則那。方今太平日無事，
柄任儒術崇丘軻。安能以此上論列，願借辯口如懸河。石鼓之歌止於此，嗚呼吾
意其蹉跎！

於今石鼓永留太學，昌黎詩爲之先聲也。典重和平，與題相稱。原注。

【張生】即張籍。

【謫仙】唐李白傳賀知章曰：子謫仙人也。

【陵遲】荀子宥坐

篇：百仞之山，任負車登焉，何則？陵遲故也。王肅曰：陵遲，陂陁也。

【沸】詩：如沸如羹。

【宣王】名靖，厲王之子。

【揮天戈】謂討

西戎伐獫狁征淮北徐夷等也。

【明堂】周時天子巡守，朝諸侯之處。

【蒐於岐陽】春獵爲蒐。岐陽，卽今陝西岐山縣。

鑄

功勩成勩刻也勩亦刻也

文選西都賦封岱勒成

【墮】毀也。

【嗟峨】山石貌。張衡西京賦：嗟峨嵒嵒。

【擣】手指揮也。

【呵】責也怒也

【訛】僞也謬也舛也

【辭嚴句】石鼓文章只此句點過以下專論字體

【隸】隸書者秦下邳人程邈所

作「科」古文有𧈧斗字蓋因𧈧斗之名遂效其形爲之耳𧈧爲俗字

【禮】月令伐蛟取鼈

【鸞翔鳳翥四句】皆狀石

鼓文

【珊瑚】晉石崇傳武帝賜崇珊瑚樹高三尺許枝柯扶疏

【碧樹】淮南子崑崙山有碧樹

【古鼎躍水】史記宋太

邱飛亡而鼎沒於泗水立城下

【龍腦移】晉陶侃傳少時漁於

出澤經得一繖校以挂於壁有頃雷雨自化爲龍而去

陋儒

二、徐曰：「牙，言二雅不盡子無從牙取也。」

『二雅』
小雅大雅也

【委蛇】委曲自得之貌。詩：委蛇委蛇。

157

句言孔子又不到秦，無從捕得也。【擣撫】說文：擣，倡引也。擣，采取也。曹子建與楊德祖書：擣捥利病。【羲娥】羲和日御，嫦娥月御。蓋言采詩者不載此文，是猶擣捥星宿而遺日月也。【滂沱】淚流也。詩：涕泗滂沱。【博士】見前。【元和】唐憲宗年號。【右輔】謂右扶風，卽鳳翔府。【爲我量度句】謂安石鼓處。【祭酒】唐龍朔二年，改國子監爲司成館，祭酒曰大司成。【十鼓】歐陽修集古錄云：鼓有十，先時散棄於野，鄭餘慶始置於廟，而亡其一。皇祐四年，向傳師求於民間得之，十鼓乃足。【駱駝】卽橐駝。漢書匈奴傳注：橐駝，言能負橐駝而駝物也。【郛鼎】春秋：桓公二年，取郛鼎於宋，戊申，納於太廟。【留太學】太學，卽國子監，元時改置石鼓於太學，卽因此詩旨也。【切磋】詩：如切如磋。【觀經句】後漢靈帝紀：光和元年二月，始置鴻都門學生。注：鴻都，門名也。水經注：蔡邕奏求正六經文字，靈帝許之，邕乃自書丹於碑，使工鐫刻，立太學門外，碑始立，其觀視及摹寫者，日千餘兩，填塞街陌。【奔波】喻人之勞於奔走也。【剗】削也。【剔】解也。【頰】偏也。【嬋嬋】不決之貌。【礪】磨石也。【摩挲】後漢書劉子訓傳：與一老翁，共摩挲銅人。【西顧】詩：乃眷西顧。【羲之】字逸少，仕至右軍將軍，會稽內史，尤善隸書，爲古今之冠。【俗書】隸書風俗通行，別於古籀，故曰俗書，無貶右軍意。【數紙句】羲之性愛鵝，山陰有道士，養好鵝，固求市之，云爲寫道德經，當舉率鵝相贈。羲之欣然寫畢，籠鵝而歸。【八代】謂秦漢至隋也。【則那】左：宣：棄甲則那。杜預曰：那，猶何也。【丘】孔子名。【軻】孟子名。【懸河】晉郭象傳：王衍每云：聽象語，如懸河，注而不竭。

矣。【天門貴人二句】譏時君不祭，使得入宮禁也。【市】周也。【雲窗霧閣四句】中含褻慢，非真以仙人目之矣。

【青鳥】漢武故事：七月七日，上於承華殿齋正中，忽有一青鳥從西方來集，東方朔曰：此西王母欲來，有頃，王母至。

柳州羅池廟

羅池廟在今廣西舊柳州府治北，祀唐刺史柳宗元，內有韓昌黎羅池廟碑。

荔子丹兮蕉黃，雜佳蔬兮進侯堂。侯之船兮兩旗，度中流兮風泊之。待侯不來兮，不知我悲。侯乘駒兮入廟，慰我民兮，不嘯音頌。以笑。鵝之山兮柳之水，桂樹團團兮白石齒齒。侯朝出遊兮暮來歸，春與猿吟兮秋鶴與飛。北方之人兮爲侯是非，千秋萬歲兮侯無我違。福我兮壽我，驅厲鬼兮山之左。下無苦溼兮高無乾，音干。杭音庚。稌音塗。充羨兮蛇蛟結蟠。音盤。我民報祀兮無怠，音待。其始自今兮，欽於世世。

【荔子】荔枝，一名丹荔。謝承後漢書：和帝時嶺南獻生荔枝。

【蕉黃】桂海果志：蕉子，乃芭蕉之結果，生葉根，去皮取肉，軟爛如柿，極甘冷，四季實。按即今香蕉。

【侯】謂柳宗元也。

【鵝之山】鵝山在馬平縣西三里，亦曰鵝山。

【柳之水】即柳江，源出貴州榕江縣，名福祿江，南流爲古州江，入廣西，至融縣爲融江，經柳城爲柳江。

【齒齒】排列也。

【北方句】柳家河東，北方人也。

【厲鬼】左明：鬼有所歸，乃不爲厲。【稭】和稻。【稭】稭稻。【羨】餘也。【蟠】伏也。

拘幽操 文王美里作

集中少此格，今附七言古後原注。

零操：文王修德，百姓親附，崇侯虎疾之，諂於紂，乃囚文王於羑里。漢書地理志：河內滎陰縣有羑里城。

目窵音香。窵兮其凝其盲，武庚切。耳肅肅兮聽不聞聲。朝不見日出兮，夜不見

月與星。有知無知兮，爲死爲生。嗚呼！臣罪當誅兮，天王聖明。

此爲人臣止於敬注脚也。原註。

【目窵窵六句】均由拘幽二字生發出來。窵窵，深遠也。莊子：至道之精，窵窵冥冥。【凝】定也。【盲】無所見也。【肅肅】

敬也。【臣罪二句】宋程伊川云：能道出文王意中事。

越裳操 周公作

古今樂錄：越裳獻白雉，周公作歌，遂傳之爲越裳操。按周時越裳，在交趾國之南。

雨之施物以孳，音香。我何意於彼爲？自周之先，其艱其勤。以有疆宇，私我後

人。我祖在上，四方在下。厥臨孔威，敢戲以侮。孰荒於門？孰治於田？四海既均，越裳

是臣。

孰荒孰治，皆我祖所監臨也。原注。

【雨之施二句】雲行雨施。見易經。華，生也。喻德澤施而華生衆也。【彼】指周。【周之先】指后稷公劉至文王。【敢】言不敢也。【孰荒於門二句】言必內治而後外服，所謂不泄邇不忘遠也。

將歸操 孔子之趙聞殺鳴犢作

史記：孔子將西見趙簡子，至於河而聞殺鳴犢。舜華之死也，臨河而嘆曰：『美哉水洋洋乎！丘之不濟此，命也夫！』

狄蜀本作秋。之水兮，其色幽幽。我將濟兮，不得其由。涉其淺兮，石齧我足。乘其

深兮，龍入我舟。我濟而悔兮，將安歸？尤歸兮歸兮！無與石鬪兮，無應龍求。

【狄之水】趙殺鳴犢，孔子臨河歎而作歌曰：『狄之水兮，風揚波。』水經注引此，謂濟水東分一支，與黃河合流，過臨濟，是爲狄水。按此皆齊地，在今濟寧之閒，今相傳孔子回車處，在山西澤州，此正由衛入晉路，狄水太遠，蜀本作秋水近是。【龍入舟】呂覽：『禹南省方，濟江，黃龍負舟。』【尤】過也。

猗蘭操 孔子傷不逢時作

琴操：孔子自衛反魯，隱谷之中，見香蘭獨茂，喟然歎曰：夫蘭當爲王者香，今乃獨茂，與衆草爲伍，乃止車援琴鼓之，自傷不逢時，託辭於香蘭云。

蘭之猗於宜切。猗，揚揚其香。不采而佩，於蘭何傷！今天之旋，其曷爲然？我行四方，以日以年。雪霜貿音茂。貿，薺在禮切。麥之茂。子如不傷，我不爾觀。薺麥之茂，薺麥之有；君子之傷，君子之守。以上七古等

【猗猗】美盛貌。班固西都賦：蘭茝發色，曄曄猗猗。【不采二句】文：蘭芷不爲莫服而不芳，卽此二句之意。【天之旋】洎虎通：天左旋。【貿貿】猶亂也，交互之象。【薺麥】比蘭也。西京雜記：建亥之月，陰氣之極，薺麥始生，由陽升也。【子如二句】子，指夫子。我，指蘭。蓋代蘭爲辭也。【薺麥四句】謂蘭如薺麥之茂，乃植物自有之性；君子之傷，正君子之守也。

五律

祖席得秋字。

五律

此詩以王涯徙袁州刺史而作。師古曰：祖者，遂行之祭，因饗飲也。昔黃帝之子顓頊，好遠遊而死於道，故後人以爲行神也。

淮南悲木落，而我亦傷秋。況與故人別，那堪羈宦愁。榮華今異路，風雨昔同憂。莫以宜春遠，江山多勝遊。

六脤以下，無人解此用筆矣！昌黎高超邈俗，五言近體中，遇以古風，筆力英氣逼人。○淮南子云：長年悲木落。原注。

【故人】謂王涯也。【宜春】唐地理志：袁州宜春郡，屬江南道。

送桂州嚴大夫嚴大夫名謨。唐地理志：桂州，始安郡中都督府。

蒼蒼森八桂，茲地在湘南。江作青羅帶，山如碧玉簪。同簪。戶多輸翠羽，家自

種黃甘。遠勝登仙去，飛鸞不假驂。音參。

【八桂】開本作八月，一作八樹。山海經：桂林八樹，在黃岡東。孫綽天台賦：八桂森挺以凌霜。

【湘南】湘江南也。

【簪】梁劉孝

威詩：金鑿臨雲斜。【翠羽】曹植洛神賦：或拾翠羽。禽經注：翡翠尤惜其羽，日潛於水中，當時王公家以爲婦人首飾。

【黃甘】同

馬和如上林賦：黃甘橙橘。郭璞曰：黃甘，橘屬。按：今通作黃柑。【飛鸞句】江淹別賦：騰鸞騰天。

奉和兵部張侍郎酬鄆州馬尚書被召途中見寄開緘之日馬帥

已再領鄆州之作

張名實馬名總。

來朝當路日，承詔改轅時。再領須句音劬。國，仍遷少昊胡老切。司。暖風抽宿麥，

清雨卷同卷。歸旗。賴寄新珠玉，長吟慰我思。以上五律。

左傳僖公二十一年：鄆人滅須句。地在東平須昌縣。秋帝少昊主刑，時馬總加檢校刑部尚書。原注。

【改轅】轅，車前曲木上鈎符者，改轅，謂車須改道還鄆州也。【須句】左傳：鄆人滅須句。杜預曰：須句，在東平須昌縣西北，其君鳳

姓。【少昊司】魯地爲少皞之墟。【珠玉】杜甫詩：詩成珠玉在揮毫。

七律

奉和庫部盧四兄曹長元日朝迴

盧庫部名汀。

天仗宵嚴建羽旄，春雲送色曉雞號。音豪。金爐香動螭頭暗，玉珮聲來雉尾

高。戎服上趨承北極，儒冠列侍映東曹。太平時節身難遇，郎署何須歎二毛。

七律

【天仗】唐儀衛志：凡朝會之仗，三衛番上，分爲五仗：一曰供奉仗，二曰親仗，三曰勳仗，四曰翊仗，五曰散手仗。每月以四十六人立內廊閣外，號曰內仗，以左右金吾將軍當上，中郎將一人押之。朝罷，皇帝步入東序門，然後放仗。【建羽旄】羽旄，旌屬。詩：建彼旄矣。【螭頭】唐百官志：起居郎舍人，分侍左右，夾香案分立殿下，直第二螭首，和墨灑筆，皆即螭處，時號螭頭。【雉尾】唐儀衛志：人君舉動必以扇，雉尾障扇四，小圓雉尾扇四，方雉尾扇十二。【北極】即北辰，天之樞也，古人以之擬帝居。【東曹】漢書百官志：東西曹掾，比四百石。【郎署】郎官之署也。後漢馬融傳：安帝親政，召還郎署。【二毛】左傳：不禽二毛。杜預曰：頭白有二色。

晉公破賊回重拜台司以詩示幕中賓客愈奉和

日，度自蔡州入朝，十二月，詔加度金紫光祿大夫，弘文館大學士，賜勳上柱國，封晉國公，食邑三千戶。

南伐旋師太華

音話。

東，天書夜到冊元功。將軍舊壓三司貴，相國新兼五等

崇。

音淵。

鷺欲歸仙仗裏，熊羆

斑駁切。

還入禁營中。長慙典午非材職，得就閒官即

至公。

【太華】即華山，在陝西華陰縣南。

【天書】詔書也。

【冊】說文：符命也，諸侯進受於王者也。

【三司】東漢改大司馬爲太

尉，與司空並稱三公，亦曰三司。

【相國】漢書：丞相相國，皆秦官。

【五等崇】五等：謂公、侯、伯、子、男也。公爵乃五等中最高者。

【龜】錢起詩：徒仗傾隨爲覺行。博約志：爲小不先大，兼有次序，百官揖紳之衆。【熊羆】程景書：尙桓桓如熊如羆。【禁營】謂禁衛軍營也。【典午】蜀志：周傳：典午忽兮，月西沒兮。典午者，謂司馬也。按：退之曾爲行軍司馬，故云。

左遷至藍關示姪孫湘

湘字清夫，登長慶三年進士第。

顏師古漢書注：漢時依上古注，朝列以右爲尊，故謂降秩爲左遷。唐地理志：藍田縣有藍田關。按：公姪老成子二人，長曰湘，季曰滂，語見韓滂墓志。

一封朝奏九重天，夕貶潮陽路八千。欲爲聖明除弊事，肯將衰朽惜殘年。雲橫秦嶺家何在？雪擁藍關馬不前。知汝遠來應有意，好收吾骨瘴江邊。

【一封二句】舊唐書：憲宗紀：元和十四年春，迎鳳翔法門寺佛骨至京師，刑部侍郎韓愈上疏極陳其弊，貶愈爲潮州刺史。【潮

陽】唐潮州屬嶺南道。【除弊事】謂迎佛骨也。【雲橫二句】世傳湘有仙術，雲雪一聯，乃湘於頃刻間花時，懸此聯示先兆，

後退之遇湘，乃足成之。見於青瑣高議。然秦嶺在今咸寧藍田兩縣南，藍關在藍田縣境，皆在陝西舊西安府屬，即唐時近畿，不爲險遠，

謂湘示寄，似出附會。【收吾骨】左傳：余收爾骨焉。【瘴】嶺南多瘴氣，人觸之即病。

七律

酒中留上襄陽李相公

李相公，即李逢吉。憲宗罷逢吉政事，出爲劍南節度使，穆宗立，移襄州刺史，山南東

道節度使。

濁水汙泥清路塵，還曾同制掌絲綸。眼穿長訝雙魚斷，耳熱何辭數爵頻。銀燭未消窗送曙，金釵半醉座添春。知公不久歸鈞軸，應許閒官寄病身。

以上七律。

公之絲絲，而忽作此明隱之句，如廣平之賦梅花，不礙心似鐵也。原注。

【濁水句】曹子建詩：君若清路塵，妾若濁水泥。

【掌絲綸】證續衣：王言如絲，其出如綸。按：退之於元和十一年正月，爲中書舍

人，而逢吉以其年二月，自舍人拜相，故云。

【眼穿】杜甫詩：眼穿當落日。

【雙魚】古詩：客從南方來，遺我雙鯉魚。呼兒烹鯉魚，中

有尺素書。

【耳熱】漢楊惲傳：酒後耳熱。

【數爵】爵，酌酒之器。儀禮鄉飲酒：揖讓如初升，乃羞，無算爵。

【曙】東方朔也。【鈞

軸】謂宰相也。詩：秉國之鈞。漢書：車千秋贊：車丞相履伊周之列，當軸處中。

五排

送鄭尚書赴南海

唐書：鄭權，汴州開封人。穆宗時，爲檢校尚書右僕射，兼南節度使。唐地理志：廣州南海郡。

番音活。

禺音愚。

軍府盛，欲說暫停杯。蓋海旗幢宅江切。出，連天觀閣開。衙時龍

戶集，上日馬人來，風靜鷄音安。鵬音居去，官廉蚌蛤迴。貨通師子國，樂奏武王臺。事事皆殊異，無嫌屈大才。

龍戶，探珠戶也。○馬人，因馬援留南蠻，去後，有不去者十三戶，隋末衍至三百戶，皆姓馬，俗以爲馬留人。原注。

【番禺】舊唐書：南海縣，卽漢番禺縣也，地以番山禺山名。【軍府】謂節度使署也。【幢】旌旗之屬。【衙時】放衙之時。

【龍戶】南海人謂之蠶戶。【上日】上任之日。【馬人】見上原注。【鷄鵬】國語：海鳥曰鷄鵬，止於魯東門外，展禽曰：海其

有災乎？夫廣川之鳥獸，恆知風而避其災也。是歲也，海多大風。【官廉句】後漢孟嘗傳：遷合浦太守，郡海出珠，與交趾常通商販，先

時宰守多貪，珠漸徙於交趾郡界，皆到官未幾歲，去珠復還。吳郡賦：蚌蛤珠胎，與月虧全。【師子國】唐西域傳：師子居西南海中，多

奇寶，以寶置洲上，商舶負直輒取去，能馴養師子，因以名國。【武王臺】卽越王臺。一稱朝漢臺，在番禺縣北。漢書南粵王傳：趙佗自

立爲南粵武王。

學諸進士作精衛銜石填海。任昉述異記：昔炎帝女溺死東海中，化爲精衛，每銜西山木石填東海。精

衛，鳥名。

鳥有償冤者，終年抱寸誠。口銜戶監切山石細，心望海波平。渺渺功難見，區區

命已輕。人皆譏造。七到反。次，我獨賞專精。豈計休無日，惟應畢此生。何慙刺客傳，桂

惡切。不著報讐名。以上五排。

清空揮灑，本非試場中作，自然脫去卑靡。原注。

【鳥有債免句】述異記：精衛，一名冤禽。【造次】急遽也，此作不自量力解。【刺客傳句】言此鳥可與刺客比名。司馬遷

史記：有刺客傳。

五絕

奉和虢州劉給事使君三堂新題二十一詠。錄三。○劉名伯弼，字素琴，官至刑部侍郎。

渚亭。爾雅釋水：小洲曰渚，水中可居曰洲，此言亭在渚上。

自有人知處，那無步往蹤。莫教安四壁，面面看芙蓉。

【芙蓉】落葉灌木，秋半開花，有紅白黃三色。又荷花一曰芙蓉，此似指荷花。

北樓

郡樓乘曉上，盡日不能迴。晚色將秋至，長風送月來。

【郡樓】郡樓當在府衙。【盡日句】即引起下二句。

西山

新月迎宵挂，晴雲到晚留。爲遮西望眼，終是懶迴頭。

把酒

擾擾馳名者，誰能一日閒？我來無伴侶，把酒對南山。

以上五絕。

【擾擾】紛亂不定之貌。【南山】終南山也，見前。

七絕

次潼關先寄張十二閣老

張閣老名賈，時退之爲襄庭處行軍司馬。

荆山已去華山來，日照潼

晉遊。

關四扇開。刺史莫辭迎候遠，相公新破蔡州

迴。

【荆山】在今河南開鄉縣南三十五里，卽世傳黃帝鑄鼎處。【潼關】雅錄：在華陰縣東北三十九里，關西一里有潼水，因以爲名。

【刺史】謂張賈。【相公】謂裴度。【破蔡州】元和十二年五月，以裴度充淮西宣慰招討使，十月，李愬夜襲蔡州，擒吳元濟，

度入蔡州，十二月，召度復入知政事。

盆池二首

莫道盆池作不成，藕梢師交切。初種已齊生。從今有雨君須記，來聽蕭蕭打葉聲。

【梢】根梢也。【蕭蕭】雨著葉聲。

瓦沼晨朝水自清，小蟲無數不知名。忽然分散無蹤影，惟有魚兒作隊行。

【沼】小池也。

春雪

新年都未有芳華，二月初驚見草芽。白雪卻嫌春色晚，故穿庭樹作飛花。

晚春

草樹知春不久歸，百般紅紫鬪芳菲。
楊花榆莢音夾。無才思，惟解漫天作雪飛。

【楊花】柳絮也。

【榆莢】榆爲落葉喬木，花後結實，四周果皮伸長，俗謂榆莢。

和歸工部送僧

歸名澄，字神之，舉孝廉。貞元中策賢良爲右拾遺，累官至工部尙書。

早知皆是自拘囚，不學因循到白頭。汝旣出家還擾擾，何人更得死前休。

【因循】守舊而不改也。

晚春

誰收春色將歸去，慢綠妖紅半不存。
榆莢祇能隨柳絮，等閒撩亂走空園。
以

上七絕。

【慢】疏散也。